

Վերապատրաստող կազմակերպություն

ՀՀ ԿԳՄՍ <<Մարտունու Ս. Աբրահամյանի անվան ավագ  
ենթակա ուսուցիչների վերապատրաստում>>

## ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ Արժեքային համակարգի զարգացումը հարցադրումների  
մեթոդով

ԱՆՑԿԱՑՄԱՆ ՎԱՅՐԸ՝ ՄԱՐՏՈՒՆԻ

ԱՇԽԱՏԱՆՔԻ ՂԵԿԱՎԱՐ՝ ԲԵՅԲՈՒԹՅԱՆ ՀԱՍՄԻԿ

ՈՒՍՈՒՑԻՉ՝ ԳԵՎՈՐԳՅԱՆ ԱՍՏԴԻԿ

ԴՊՐՈՑ՝ <<Վ. Գետաշենի N1 միջնակարգ դպրոց>>

Մարտունի 2022

## ԲՈՎԱՆԴԱԿՈՒԹՅՈՒՆ

1. Ներածություն.....	3
2. Գրական ակնարկ.....	5
3. Փորձարարական հետազոտություն.....	6
3.1 Խմբի նկարագիր.....	6
3.2 Փորձարարական դաս-1.....	7
3.3 Փորձարարական դաս-2.....	8
4. Վերլուծություն.....	9
5. Գրականության ցանկ.....	9
6. Հավելված.....	10
1.Դասապլան-1.....	10
2.Դասապլան-2.....	13

## 1. Ներածություն

Արդի մանկավարժության կարևոր պահանջներից է երեխաների արժեքային համակարգի ձևավորումը: Այն ներառված է Հայաստանի Հանրապետության պետական չափորոշչում՝ որպես հենց կրթության բովանդակային բաղադրիչ: Կրթության նպատակը անհատին ոչ միայն գիտելիքներով զինելն է, այլ նաև նրա մեջ բարոյական որոշակի հատկանիշներ ձևավորելը:

Արժեհամակարգը մարդու բարոյական, գեղագիտական, հոգևոր, իմացական, մշակութային և էթնիկական արժեքների համխումբ է, որն անհրաժեշտ է անձի ներդաշնակ ու բազմակողմանի ձևավորման և զարգացման համար:

Նվիրական մեծագույն արժեքը՝ հայրենասիրությունն, է, որը լավագույն կերպով մատուցվում գրականության, հայոց պատմության ժամերին, որտեղ արտացոլված են մեր ազգի ազգային հավաքական բնույթը, անդրդվելի կամքը, ապրելու ու հարատևելու ձգտումը: Այդ դասերին աշակերտներին պետք է խրախուսել և հնարավորություն տալ ազատորեն արտահայտելու իրենց կարծիքը, զգացմունքները, որոշակի հարցադրումներ անելու հերոսների վարքագծի մասին, գնահատելու և իրենց համար բացահայտելու այս կամ այն արժեքը: Այս դեպքում կունենանք սերունդ, որը կկարողանա շարունակել ազգային լավագույն ավանդույթները, աշխարհին ու մարդկությանը ցույց տալ իր մշակութային հարստությունը ու բարոյահոգեբանական հատկանիշները:

Արժեքային համակարգի ձևավորումը երեխաների մոտ նպատակ ունի ձևավորել անձ և քաղաքացի, որը պետք է՝

- գիտակցի սեփական մշակույթի՝ լեզվի, պատմության, արվեստի, ավանդույթների, ազգային այլ արժեքների կարևորությունն ու նշանակությունը և լինի դրանց կրողը:
- հարգի Հայաստանի պետական խորհրդանիշները, լինի հայրենասեր, կարևորի ազգային հիմնախնդիրների լուծման գործում իր մասնակցության անհրաժեշտությունը

- գիտակցի , որ իր համար կարևորագույն արժեքներ են գիտելիքները, աշխատանքային հմտությունները, մասնագիտական վարպետությունը:
- կարևորի բարոյական չափանիշները և քրիստոնեական ու համամարդկային արժեքները, լինի ազնիվ, արդարամիտ, բարեկիրթ, օրինապահ:
- գիտակցի իր տեղն ու դերը ընտանիքում և հասարակության մեջ, լինի նախաձեռնող, դրսևորի արժանավայել պահվածք:
- հարգի մարդու իրավունքներն ու հիմնարար ազատությունները, լինի մարդասեր, հանդուրժող, քաղաքակիրթ վերբերմունք դրսևորի ուրիշ ժողովուրդների ներկայացուցիչների և նրանց մշակույթների հանդեպ:
- անաչառորեն գնահատի իր ուժերն ու կարողությունները՝ բացառելով սեփական անձի թերագնահատումն ու գերագնահատումը:
- դրսևորի աշխատասիրություն, հնարամտություն, արժևորի ու գնահատի սեփական և այլոց աշխատանքը:

## 2. Գրական ակնարկ

Դասավանդման և ուսումնառության մեթոդների ընտրությունն ու արդիականացումը հիմք է հանդիսանում կրթության որակի բարելավման: Հարցերի կիրառությունը դասավանդման գործընթացում ամենահզոր գործիքներից մեկն է, և դրանց ճիշտ կիրառությունը զգալիորեն կարող է բարձրացնել ուսուցման որակը և ավելացնել սովորողների ներգրավվածության մակարդակը:

Քրիստին Չինը իր աշխատություններից մեկում նշում է, որ իրական ուսուցում ապահովելու համար պետք է օգտագործել մարդու միտքը և ոչ թե հիշողությունը: Ըստ նրա՝ դա բացահայտումների փուլ է, որտեղ հիմնական դերում աշակերտն է և ոչ ուսուցիչը: Հարցեր տալու և հարցերին պատասխանելու կարողությունն ուսումնառության մեջ առանցքային և կարևոր տեղ է զբաղեցնում: Հարցադրումների կիրառմամբ ոչ միայն կարելի է ստուգել նախկինում յուրացված գիտելիքների աստիճանը, խթանել վերլուծական մտածելակերպը, զարգացնել և ամրապնդել ձեռքբերվածը, այլև բարձրացնել աշակերտների ներգրավվածության աստիճանը, որն էլ իր հերթին ազդում է ուսուցման որակի և արդյունավետության վրա: Ճիշտ ձևով կազմված հարցերը, որոնք տրվում են հոգեբանորեն ապահով միջավայրում, խրախուսում են ստեղծագործական և քննադատական մտածելակերպի զարգացումը ինչպես նաև բարձրացնում է աշակերտների ինքնավստահությունը:

Դասերի ընթացքում անհրաժեշտ է կիրառել մոտեցումներ, որոնք օգնում են սովորողների լիարժեք ներգրավվածությունը դասապրոցեսին:

Դրանցից հիմնականներն են՝

- նախապես զգուշացնել աշակերտներին, որ խրախուսվում է դասին մասնակցությունը: Յուրաքանչյուր աշակերտին տալ ձևավորող գնահատական:
- պետք է կարողանալ հմտորեն կառավարել ողջ պրոցեսը և աջակցել աշակերտներին, որ յուրաքանչյուրն իր հնարավորության չափով ներգրավվի դասին:
- Չափազանց կարևոր է հոգեբանական ապահով միջավայրի ստեղծումը:

Այս մեթոդի կիրառությունը ոչ միայն բարձրացնում է աշակերտների ներգրավվածությունը քննարկվող հարցի մասին, հնարավորինս շատ ու բազմակողմանի հարցեր տալու ճանապարհով նպաստում է նաև անդրադառնալ միջառարկայական կապերին և հստակ օրինակներով ցույց տալ ինչպես կարող են աշակերտները սովորածը կիրառել այլ առարկաների շրջանակում:

Եթե սովորողները դասի ընթացքում հարցեր են ձևակերպում և հարցեր տալիս, ուրեմն դասը հաջողված է, և ուսուցիչը հասել է իր նպատակին:

### 3. Փորձարարական հետազոտություն

#### 3.1 Խմբի նկարագիր

Ես իմ հետազոտական աշխատանքը անցկացրել եմ Գեղարքունիքի մարզի Վ. Գետաշենի N1 միջնակարգ դպրոցի 8-րդ դասարանում, քանի որ այս դասարանում սովորողների մի մասը չի ներգրավվում դասապրոցեսին: Այդ իսկ պատճառով ես որոշեցի այդ աշակերտների նկատմամբ կիրառել անհատական տարբերակված ուսուցում հարցադրումների միջոցով: Այս մեթոդով կփորձեմ աշակերտներին ոչ միայն ներգրավել դասապրոցեսին, այլ նաև զարգացնել նրանց արժեհամակարգը: Այս մեթոդը կնպաստի երեխայի ուսուցմանը ներգրավվելուն, երեխան կդառնա ինքնուրույն, հետ չի մնա ուսումնական ծրագրերից:

Այս դասարանում սովորում է 16 աշակերտ՝ 10 տղա, 6 աղջիկ, որոնք ունեն տարբեր առաջադիմություն և հմտություններ:

3-րդ տարին է , որ դասավանդում եմ այս դասարանում՝ հայոց լեզու և գրականություն: Ես շատ լավ գիտեմ յուրաքանչյուրի կարողություններն ու հմտությունները: Այս դասարանի հիմնական խնդիրն է աշակերտների ոչ լիարժեք ներգրավվածությունը դասապրոցեսին, ինչը պատճառ դարձավ, որ ես իմ հետազոտական աշխատանքը իրականացնեմ միջին կարողությունների տեր 4 աշակերտների համար՝ կազմակերպելով տարբերակված ուսուցում՝ հարցադրումների մեթոդով, իսկ մնացածի հետ կատարեմ տարբեր բնույթի աշխատանքներ՝ հաշվի առնելով նրանց հմտություններն ու կարողությունները:

### 3.1 Փորձարարական դաս 1

Այսօրվա դասը վերաբերում է Շիրվանզադեի <<Արտիստը>> պատմավածքին:

Դասաժամը սկսվեց տնային աշխատանքների ստուգումով, արվեց բանավոր հետադարձ կապ հարցադրումներով՝ նախորդ թեմայի գիտելիքները ստուգելու նպատակով: Տրվեց ուղղորդող հարցադրումներ, բաց հարցերին պատասխանում են բարձր առաջադիմություն ունեցողները, իսկ փակ հարցերին միջին ու ցածր առաջադիմություն ունեցողները: Ուշադրության կենտրոնում պահում են 4 միջին առաջադիմություն ունեցող աշակերտներին: Տարբերակված հարցերի միջոցով փորձում են զարգացնել նրանց արժեհամակարգը՝ առավելագույնս ներգրավվելով դասապրոցեսին:

A, B, C, D աշակերտները փորձում են բառեր ընտրել նկարագրելու համար Շիրվանզադեի <<Արտիստը>> պատմավածքի գլխավոր հերոս Լևոնին: Անգամ փորձում են Լևոնի և իրենց շրջապատի մարդկանց միջև նմանություն գտնել: Դասն ավարտելուց հետո կատարվեց հետադարձ կապ հարցադրումների միջոցով: Նոր դասը հաղորդվեց կարճ դասախոսությամբ՝ ստեղծելով միջառարկայական կապ հայոց լեզվի հետ:

Գնահատվեցին աշակերտները և ըստ իրենց կարողությունների՝ տրվեցին տարբերակված առաջադրանքներ դասագրքից:

### 3.2 Փորձարարական դաս 2

Այսօրվա դասի թեման է Ռաֆֆու <<Խենթը>> վեպը: Նոր դասը սկսվեց տնային աշխատանքի ստուգումով, քննարկվեցին նախորդ դասից անհասկանալի մնացած հարցերը: Դասը սկսվեց տարբերակված հարցադրումներով: Աշակերտները իրենց գոհունակությունը հայտնեցին, քանի որ այն ավելի արդյունավետ է, և բոլորն են մասնակցում դասապրոցեսին:

Աշակերտներին այս անգամ ևս տարբերակված հարցադրումներով առաջադրանք տրվեց: Բարձր առաջադիմություն ունեցողները աշխատում էին բնագրի վրա՝ բնագրից դուրս հանելով Վարդանին բնութագրող բառեր, իսկ A,B,C,D աշակերտներին բաժանվեցին թերթիկներ:

Աշակերտները մեծ ոգևորությամբ մասնակցում էին դասին, դատողություններ անում, անգամ ուշադրության կենտրոնում գտնվող աշակերտները հարցեր էին տալիս, պատասխանում հարցերին: Ուշադրության կենտրոնում գտնվող աշակերտները ընտրում էին բառեր բնութագրելու համար Վարդանին՝ նաև նշելով նրա ամենակարևոր հատկանիշը՝ հայրենասիրությունը, զուգահեռներ էին տանում Վարդանի և ներկայիս հերոսների միջև:

Նոր դասը հաղորդվեց կարճ դասախոսությամբ՝ ստեղծելով միջառարկայական կապ հայոց պատմության հետ: Այնուհետև գնահատվեցին աշակերտները և հանձնարարվեց տնային աշխատանք՝ իրենց կարողություններին ու հմտություններին համապատասխան:



## 4. Վերլուծություն

Աշակերտների ներգրավվածությունը ապահովելու համար անցկացվեց 2 տարբերակված դաս, որի ժամանակ 4 միջին և ցածր առաջադիմություն ունեցող աշակերտներ պատասխանեցին անհատական տարբերակված հարցադրումներին: Ամեն հաջորդ տարբերակված դասաժամին ամբողջ դասարանի համար քննարկվեց տարբերակված հարցադրումների պատասխանների սխալները, տրամադրվեց գրավոր ու բանավոր հետադարձ կապ: Հարցադրումների մեթոդը շատ արդյունավետ էր, քանի որ այն ապահովեց և միջին ու ցածր առաջադիմություն ունեցող աշակերտների ներգրավվածությունը դասին: Հարցադրումների մեթոդը մեծ ազդեցություն ունեցավ արժեքային համակարգի ամրապնդման ու զարգացման մեջ:

Միջին ու ցածր առաջադիմություն ունեցող աշակերտներին հնարավորություն տրվեց ինքնուրույն աշխատելու հմտություն ձեռք բերել:

Աշակերտները խոստովանեցին, որ բանավոր տրված հետադարձ կապը ավելի արդյունավետ է:

Վերլուծելով հետազոտական դասերի արդյունքները, եկա այն եզրակացության, որ ներգրավվածության բարձրացումը պայմանավորված է հետևյալ գործոններով.

1. Հարցադրումների մեթոդի կիրառումը դասաժամերին:
2. Գրավոր և բանավոր հետադարձ կապի տրամադրում
3. Թեմայի հիշեցում, ամրապնդում և ամփոփում՝ անհատական գրավոր աշխատանքների միջոցով

## 5. Գրականության ցանկ

1. Ա. Գևորգյան, Ազգային կրթության դերն ու նշանակությունը սովորողների հայեցի դաստիարակության գործընթացում, Եր., 2002,:

2. Հ. Հովհաննիսյան և ուրիշներ, Կառուցողական կրթության հիմունքները և մեթոդները, Երևան, 2004թ., 157 էջ:

3. Դ. Գասպարյան, Գրականություն: 8-րդ դասարանի դասագիրք, Եր., <<Տիրգրան Մեծ>>, 2012, 256 էջ:

## 6. Հավելված

### Դասապլան 1

Առարկա՝	Գրակ անությ ուն	Ամսաթիվ		Կիսամյակ	1	Դաս ար ան	8-րդ
Թեմա՝	Շիրվանզադե <<Արտիստը >> պատմվածքը, 2-րդ դասաժամ						
Օգտագործվող նյութեր՝	Դասագիրք, A4 չափի թղթեր, գունավոր մարկերներ:						
Դասի նպատակը՝	<ul style="list-style-type: none"><li>Ջարգացնել գրական երկը հասկանալու և գաղափարական բովանդակությունը ներկայացնելու կարողություն:</li><li>Գրական հերոսի բնավորության գործողությունների հոգեբանական շարժառիթների մասին գրավոր և բանավոր արտահայտելու կարողություն:</li></ul>						
Ուսուցման արդյունքներ, որոնք կփաստեն, որ ուսուցումը տեղի ունեցավ:							
Վերջնարդյունք ներ	Աշակերտը կկարողանա՝  <ul style="list-style-type: none"><li>Ներկայացնել պատմվածքի բովանդակությունը, արտահայտել հիմնական գաղափարը</li><li>Բացահայտել կերպարի բնավորության հիմնական գծերը, հասկանալ գործողությունների հոգեբանական շարժառիթները:</li></ul>						
Գործողություն ներ (ժամ/տևողությ ուն)	Ուսումնական գործունեությու ն  Աշակերտներ	Ուսումնական գործունեություն  Ուսուցիչ	Հարցադրումնե ր		Կիրառվող մեթոդ (ներ)		
<ul style="list-style-type: none"><li>Սկիզբ /5ր/</li></ul>	Բացել դասագրքերը, ներկայացնել	Ողջունել դասարանին, ստուգել տնային					

<p>• Ընթացք ը / 25ր/</p>	<p>տնային աշխատանքները:</p> <p>Պատասխանում են հարցերին, փոխադարձ հարցեր տալիս, բաց հարցերին պատասխանում են բարձր առաջադիմություն ունեցողները, իսկ փակ հարցերին պատասխանում են միջին և ցածր առաջադիմություն ունեցողները</p> <p>Տրվում է առաջադրանքներ, բարձր առաջադիմություն ունեցողները աշխատում են բնագրի վրա, իսկ A, B, C, D աշակերտներին ուշադրության կենտրոնում պահել, տալ տարբերակված հարցադրումներ:</p>	<p>աշխատանքները, պատասխանել աշակերտների անհասկանալի մնացած հարցերին:</p> <p>Տալ ուղղորդող հարցադրումներ՝ աշակերտներին ներգրավվելով դասապրոցեսին:</p> <p>Ուսուցիչը առաջադրանքների ու հարցերի միջոցով փորձում է զարգացնել ու ամրապնդել երեխաների մոտ վեհ արժանիքներից՝ ազնվությունն ու արժանապատվությունը:</p>	<p>Ո՞վ է Շիրվանզադեն:</p> <p>Որո՞նք են Շիրվանզադեի լավագույն ստեղծագործությունները:</p> <p>Ո՞վ է &lt;&lt;Արտիստը&gt;&gt; պատմվածքի գլխավոր հերոսը:</p> <p>Ազնվություն ասելով ի՞նչ եք հասկանում:</p> <p>Որտե՞ղ է երևում Լևոնի ազնվությունն ու արժանապատվությունը:</p> <p>Ի՞նչ տարբերություն կա Լևոնի ու Գևորգի միջև:</p>	<p>Ուղղորդող հարցադրումներ, կանխատեսման աղյուսակ</p>
----------------------------------	---	--	---	--

<ul style="list-style-type: none"> <li>• 10րոպե</li> <li>• Ավարտ 5ր</li> </ul>	<p>Ուշադրության կենտրոնում գտնվող աշակերտները փորձում են նկարագրել Լևոնին, տալիս են նրան բնութագրող բառեր:</p> <p>Նմանություններ և տարբերություններ են գտնում շրջապատի մարդկանց և Լևոնի միջև:</p> <p>Լուռ լսում են դասը կատարում նշումներ:</p>	<p>Նոր թեմայի հաղորդում, բանավոր հետադարձ կապի տրամադրում, անհասկանալի հատվածների բացատրություն:</p> <p>Գնահատում և տնային աշխատանքի հանձնարարում:</p>		<p>Կարճ դասախոսություն՝ ստեղծելով միջառարկայական կապ (հայոց լեզու)</p>
<p><b>Տնային աշխատանք 3 ր</b></p>	<p>Բնագրից դուրս հանել անժանոթ բառերը, բառարանի օգնությամբ տալ դրանց բացատրությունը:</p>			

## Դասապլան 2

Առարկա՝	Գրականություն	Ամսաթիվ		Կիսամյակ	1	Դասարան	8-րդ
Թեմա՝	Ռաֆֆու <<Խենթը >> վեպը, 3-րդ դասաժամ						
Օգտագործվող նյութեր՝	Գրատախտակ, դասագիրք, A4 չափի թղթեր, գունավոր թերթիկներ:						
Դասի նպատակը՝	<ul style="list-style-type: none"><li>Արժևորել և ներկայացնել &lt;&lt;Խենթը&gt;&gt; վեպը:</li><li>Ներկայացնել գլխավոր կերպարին, տալ նրա հոգեբանական բնութագիրը:</li><li>Հայրենասիրության, ազգային գաղափարների գիտակցում:</li></ul>						
Ուսուցման արդյունքներ, որոնք կփաստեն, որ ուսուցումը տեղի ունեցավ:							
Վերջնարդյունքներ	Աշակերտը կկարողանա՝ <ul style="list-style-type: none"><li>Վերլուծել և մեկնաբանել &lt;&lt;Խենթը&gt;&gt; վեպը:</li><li>Ներկայացնել վեպի գլխավոր հերոսին, վերլուծել կերպարը:</li><li>Գիտակցել հայրենասիրության, ազգային գաղափարների կարևորությունը:</li></ul>						
Գործողություններ (ժամ/տևողություն)	Ուսումնական գործունեություն  Աշակերտներ	Ուսումնական գործունեություն  Ուսուցիչ	Հարցադրումներ		Կիրառվող մեթոդ (ներ)		
<ul style="list-style-type: none"><li>Սկիզբ /5ր/</li></ul>	Բացել դասագրքերը, պատրաստվել նոր դասին:	Կիրառելով համակարգը փուլում	ԽԻԿ խթանման ուսուցիչը		Մտազրոհ		

<ul style="list-style-type: none"> <li>Ընթացք /25ր/</li> </ul>	<p>Ներկայացնել տնային աշխատանքները:</p> <p>Տրվում է առաջադրանք: Բարձր առաջադիմություն ունեցող աշակերտները աշխատում են բնագրի վրա՝ վեր հանելով Վարդանին բնութագրող բառեր և բառակապակցություններ, իսկ դասարանի 4 աշակերտներ, որոնք ուսուցչի ուշադրության կենտրոնում են թերթիկներ են ստանում: Թերթիկների մեջ ներառված են բառային շարքեր, որտեղից 4 աշակերտները պիտի ընդգծեն Վարդանին բնորոշ բառերը: Նույնիսկ փորձում են նմանություններ գտնել Վարդանի ու ներկայիս հերոսների միջև:</p> <p>Աշակերտները</p>	<p>իրականացնում մտազրոհի մեթոդը :</p> <p>Իմաստի ընկալման փուլում ուսուցիչը հսկում է աշխատանքները, տալիս ուղղորդող հարցադրումներ, միաժամանակն ուշադրության կենտրոնում պահելով 4 աշակերտներին:</p>	<p>Ինչու՞ է վերնագրված &lt;&lt;խենթ&gt;&gt;:</p> <p>Ո՞վ Վարդանը:</p> <p>Ի՞նչ է հայրենասիրությունը:</p> <p>Ի՞նչ քայլի է գնում Վարդանը ինչու՞:</p>	<p>Հարցադրումների մեթոդ</p> <p>Ուղղորդված ընթերցանություն, կանխատեսման աղյուսակ</p>
--	--	--	--	---

<ul style="list-style-type: none"> <li>• /10ր/</li> </ul>	<p>կատարում են ուսուցչի տված առաջադրանքը:</p>	<p>Կշռադատման, գնահատման փուլում հանձնարարվում է քառաբաժանի մեթոդը:</p>		<p>Քառաբաժանի մեթոդ</p>
<ul style="list-style-type: none"> <li>• Ավարտ /5ր/</li> </ul>	<p>Աշակերտները լրացնում են ուսուցչի տված թերթիկը և հանձնում:</p>	<p>Վերջում հանձնարարում է յուրաքանչյուր աշակերտի թերթիկի վրա նշել սեփական ձեռքբերումները և թերըմբռնումները: Ամփոփում է աշխատանքը և գնահատում:</p>		
<p><b>Տնային աշխատանք 3 ր</b></p>	<p>Տարբերակված տնային առաջադրանք: Դուրս հանել անձանոթ բառերը, բառարանի օգնությամբ տալ դրանց բացատրությունը(A,B,C,D աշակերտներ ): 4, 5 նախադասությամբ բնութագրել Վարդանին:</p>			